



MyRight – Empowers people with disabilities je švedska nevladina organizacija koja okuplja preko dvadeset švedskih organizacija osoba s različitim vrstom invaliditeta za međunarodni program podrške.

Vizija MyRight-a je svijet u kojem sve osobe s invaliditetom uživaju jednaka prava i mogućnosti za dostojanstven život bez siromaštva u inkluzivnim društvima.

Cilj našeg rada je jačanje kapaciteta organizacija osoba sa invaliditetom za vođenje efikasnog zagovaranja za prava svojih članova. Naš rad je zasnovan na pristupu ljudskih prava, te u skladu s tim MyRight podržava zajedničke zagovaračke inicijative koje provode organizacije osoba s invaliditetom u skladu sa Konvencijom UN-a o pravima osoba s invaliditetom.

Opći cilj MyRight-a globalnoga programa, i odnosi se na svaku programsku zemlju:

“Osobe s invaliditetom u MyRight programskim zemljama su više uključene u svim sferama društva, u skladu s Konvencijom UN-a o pravima osoba s invaliditetom.”

Programski cilj MyRight-a, globalnoga programa:

„Partnerske organizacije u MyRight programskim zemljama povećale su svoje sposobnosti i kapacitete da doprinesu povećanju uključenosti/inkluzije osoba s invaliditetom u društvo.“

MyRight, predstavnički ured u Bosni i Hercegovini

Program MyRight-a obuhvata više područja i to: područje aktivnosti kancelarije MyRight i područje zajedničkih aktivnosti, ali i područje aktivnosti pet pojedinačnih projekata partnerskih organizacija iz Švedske (SRF; STIL, RSMH I DVA PROJEKTA KOJE DIREKTNO FINANSIRA MYRIGHT).

MyRight radeći na ispunjenju svog cilja i svoje uloge u osnaživanju članova partnerskih organizacija i jačanju kapaciteta udruženja već niz godina radi na kreiranju online obuke (e-obuka) u različitim oblastima, a s ciljem omogućavanja lakšeg sticanja i prenošenja znanja u odnosu na stalnu i fluktuirajuću potrebu velikog broja partnerskih organizacija po principu – “Bilo gdje / bilo kada” – što znači da zahvaljujući internetskoj funkcionalnosti e-obuke putem e-kurikuluma, svi akteri u procesu podizanja kapaciteta imaju olakšan pristup znanjima i vještinama potrebnim za efikasniji rad udruženja.

Opis zadatka

Fokus zadataka je stvaranje sadržaja i plana online obuke, namijenjenog partnerskim organizacijama MyRight-a odnosno udruženjima osoba s invaliditetom.

Cilj obuke je povećanja nivoa praktičnih znanja i vještina u *oblasti organizacionog, administrativnog i finansijskog upravljanja udruženjima, i namicanja sredstava*, radi jačanja kapaciteta partnerskih organizacija. E-kurikulum treba da ima jasno definisane metode provjere znanja i nivoa dostignutih očekivanih ishoda, te praćenje napretka u odnosu na početnu situaciju (Measuring Empowerment), kako bi se osiguralo da će online obuke pratiti ostvarenje postavljenog cilja.

Glavni cilj poziva je izrada:

- Sadržaja i plana online obuke za oblast „Organizaciono, administrativno i finansijsko upravljanje udruženjima“, E-kurikulum treba da uključuje ciljeve obuke, definisane očekivane ishode, strategije evaluacije i praćenja dostignutog, te poredak referentnih vrijednosti;
- Prateći materijal za online obuku za oblast „Organizacionog, administrativnog i finansijskog upravljanje udruženjima“;



- Sadržaja i plana online obuke za oblast „Namicanje sredstava u udruženjima: modeli i strategija“, E-kurikulum treba da uključuje ciljeve obuke i definisane očekivane ishode, strategije evaluacije i praćenja dostignutog, te poredak referentnih vrijednosti;
- Prateći materijal za online obuku za oblast „Namicanje sredstava u udruženjima: modeli i strategija“;
- Održavanje obuke zaposlenima u administriranju online obuka, boljeg razumijevanja sadržaja, vizije i plana.

Odgovornosti MyRight

Konsultant će raditi pod direktnom supervizijom MyRight-a, te će se konsultovati sa MyRight predstavnicima tokom cijelog perioda angažmana.

MyRight će sa svoje strane kao naručilac posla konsultantu staviti na raspolaganje sav neophodan materijal.

Plan realizacije zadatka

Podnošenje prijave (elektronskim putem)	08. septembar 2020.
Potpisivanje ugovora	15. septembar 2020.
Podnošenje finalnog izvještaja i držanje obuke	20. decembar 2020.
Rok za realizaciju	30. decembar 2020.

Budžet

Ukupan iznos ponude za sve tražene zadatke u okviru ovog poziva ne bi trebao prelaziti iznos od **6.600,00 BAM.**

Plan isplate

Isplata će se izvršiti na osnovu prihvaćenih rezultata, i bit će je podijeljena u tri isplate (početni izvještaj – prijedlog sadržaja i plana online obuke oba kurikuluma; nacrt sadržaja i plana online obuke oba kurikuluma i pratećeg materijala; finalni izvještaj oba kurikuluma i svih materijala i održana obuka). Iznosi i datumi transfera bit će dogovoreni i ugovorom definisani.

Vlasnička prava

MyRight ima pravo na trajno intelektualno vlasništvo nad svim materijalima koje konsultant proizvede i koji su povezani ili su proizašli iz djela izvedenog kroz ovaj poziv.

Pristupačnost

Konsultant mora poštovati potrebe za pristupačnošću osoba sa različitim invaliditetom i obratiti posebnu pažnju o svim aspektima pristupačnosti tokom odabira metodologije, i kreiranja sadržaja, vizije i plana online obuke, te prilikom izrade e-kurikuluma i materijala.

Podnošenje prijedloga-ponude

Svi zainteresovani kandidati, moraju dostaviti ponudu najkasnije do **8. septembra 2020. godine**, koja treba da sadrži:

- Tehnički prijedlog, koji treba da ukratko i jasno opiše sljedeće aspekte: razumijevanje zadatka i preliminarnu metodologiju i pristup za provođenje zadatka, preliminarni plan rada i vremenski okvir.
- Finansijski prijedlog: dnevne naknade za konsultanta i svih ostalih procijenjenih troškova za provedbu zadatka.
- Biografiju (CV), koja će predstaviti i listu referenci – pregled radnog iskustva ili pruženih konsultantskih usluga u vezi sa zadatkom, dostavljanjem primjerka sličnog zadatka kao dokaz.

Prijave treba dostaviti na e-mail adresu: info@myright.ba



“Izrazi koji su radi preglednosti dati u jednom gramatičkom rodu u ovom pozivu se bez diskriminacije odnose i na muškarce i na žene.”